

**ТРИОДИОН СИЕСТЬ ТРИПЕСНЕЦ  
С БОГОМ СВЯТЫМ, ОБДЕРЖАЙ ПОДОБАЮЩЕЕ ЕМУ  
ПОСЛЕДОВАНИЕ.**

**НЕДЕЛЯ, В НЮЖЕ ЧТЕТСЯ СВЯЩЕННОЕ И СВЯТОЕ ЕВАНГЕЛИЕ,  
ПРИТЧИ МЫТАРЯ И ФАРИСЕА.**

**В субботу вечера, по предначинательном псалме, стихословим Блажен  
муж: 1-ю кафисму всю.**

**На Господи воззвах, поставим стихов 10: и поем Осмогласника стихиры  
воскресны 3: и анатолиевы 4: и Триоди самогласны две, повторяюще  
первую. Глас 1.**

Не помолимся фарисейски, братие: / ибо возносяй себе смирится. /  
Смирим себе пред Богом, / мытарски пощением зовуще: / очисти ны Боже,  
грешныя.

Фарисей тщеславием побеждаемь, / и мытарь покаянием приклоняемь, /  
приступиста к Тебе единому Владыце: / но ов убо похвалився, лишися благих: /  
ов же ничтоже вещав, сподобися дарований. / В сих воздыханиих утверди мя  
Христе Боже, / яко Человеколюбец.

**Слава, глас 8:**

Вседержителю Господи, / вем, колико могут слезы: / Езекию бо от врат  
смертных возведоша, / грешную от многолетних согрешений избавиша, /  
мытаря же паче фарисеа оправдаша: / и молюся, с ними причтав, / помилуй мя.

**И ныне, Богородичен 1, рядоваго гласа.**

**На литии стихира святого обителя, по обычаю.**

**Слава, глас 3:**

Мытаря и фарисеа различие / разумевши душе моя, / онаго убо  
возненавидь гордынный глас, / оваго же ревнуй благоумиленной молитве, / и  
возопий: / Боже очисти мя грешнаго, и помилуй мя.

**И ныне, Богородичен воскресен, в тойже глас:**

Без семене от Божественнаго Духа, / волею же Отчею зачала еси Сына  
Божия, / от Отца без матере прежде век суща: / нас же ради, из Тебе без отца  
бывша, / плотию родила еси, / и Младенца млеко питала еси. / Темже не  
престай молити, / избавитися от вед душам нашим.

**На стиховне стихиры Осмогласника по алфавиту.**

**Слава, глас 5:**

Отягченныма очима моима / от беззаконий моих, / не могу воззрети и  
видети высоту небесную: / но прими мя, яко мытаря кающася, Спасе, / и  
помилуй мя.

**И ныне, Богородичен, в тойже глас:**

**Храм и Дверь еси, / Палата и Престол Царев, / Дево Всечистая, / Еюже Избавитель мой, Христос Господь, / во тьме спящим явися, / Солнце Сый правды, / просветити хотя, / яже созда по образу Своему рукою Своею. / Темже, Всепетая, / яко Матерне дерзновение к Нему стяжавшая, / непрестанно моли спастися душам нашим.**

**Тропарь: Богородице Дево, глаголется трижды.**

**И бывает благословение хлебов, и раздаяние. И чтение велие в Посланиих апостольских.**

Последование прилучившагося святаго в Неделю сию, и в блуднаго, поем в пяток на Повечерии, или егда еклисиарх разсудит: аще токмо не случится коего великаго святаго, или святаго храму: зане храм и не великаго святаго, больши воследуется великаго святаго, на свой ему храмный праздник, еже должно есть бдению бывати, и никакоже оставляти в память его, ниже прелгается на ин день. Но поем службу храму, якоже и Сретению Господню, во вся дни, в няже и Сретение Господне бывает.

## НА УТРЕНИ,

**по шести псалмех, Бог Господь, на глас Осмогласника. И глаголем тропарь воскресен дважды: Богородичен единожды, и обычная стихословия. Седальны Осмогласника. По Непорочных тропари: Ангельский собор: ипакои. Степенны и прокимен гласа: Всякое дыхание: Евангелие воскресно ряду. Воскресение Христово: псалом 50.**

**Слава, глас 8:** Покаяния отверзи ми двери Жизнодавче, / утренюет бо дух мой ко храму святому Твоему, / храм носяй телесный весь осквернен: / но яко щедр, очисти / благоутробною Твоею милостию.

**И ныне, Богородичен:** На спасения стези настави мя Богородице, / студными бо окалях душу грехми, / и в лености все житие мое иждих: / но Твоими молитвами / избави мя от всякия нечистоты.

**Таже, глас 6:** Помилуй мя Боже, / по велицей милости Твоей, / и по множеству щедрот Твоих, / очисти беззаконие мое.

**Множества содеянных мною лютых, / помышляя окаянный, / трепещу страшнаго дне суднаго: / но надеяся на милость благоутробия Твоего, / яко Давид вопию Ти: / помилуй мя Боже по велицей Твоей милости.**

**Канон воскресен Осмогласника, со ирмосом на 4, и крестовоскресный на два, и Богородицы на два: и в Триоди на 6. Творение Георгия. Егоже краестрочие в Богородичнах: Георгия, глас 6:**

### Песнь 1.

**Ирмос:** Яко по суху пешешествовав Израиль, / по бездне стопами, / гонителя фараона / видя потопляема, / Богу / победную песнь / поим, вопияше.

**Притчами** вводяй вся Христос, к жития исправлению, мытаря возвышает от смирения, показав фарисеа возвышением смиряема.

**От** смирения честь высокотворяющую, от возношения же падение видя лютое, мытаревым ревнуй добрым, и фарисейскую злобу возненавиждь.

**От** возношения испражняется всякое благое, от смирения же потребляется всякое злое: еже облобызаим вернии, гнушающиеся яве образа тщеславнаго.

**Смиренномудрым** быти Своим учеником хотя всех Царь, наказуя учаше ревновати мытареву воздыханию и смирению.

**Слава:** Яко мытарь стению, и рыданьми немолчными Господи, ныне прихожду Твоему благоутробию: ущедр и мене, смирением жизнь ныне препровождающа.

**Богородичен:** Разум, совет, чаяние, тело, душу и дух, Владычице, возлагаю к Тебе: лютых враг и напастей, и будущаго прещения избави, и спаси мя.

**Катавасия: Отверзу уста моя:**

### Песнь 3.

**Ирмос:** Несть свят, якоже Ты / Господи Боже мой, / вознесый рог верных Твоих, Блаже, / и утвердивый нас на камени / исповедания Твоего.

**От** гноища убо страстей смиренный возношается, от высоты же добродетелей низпадает люте всяк высокосердый: егоже образа злобы убежим.

**Т**щеславие отщетеваает богатство правды, смирение же расточает страстей множество: еже подражающия ны, части покажи мытаревы Спасе.

**Я**ко мытарь и мы биющеса в перси, умилением вопием: очисти Боже нас грешных, яко да сего приимем оставление.

**К** ревности приидем вернии, исправляюще кроткое, смирению соживуще в стенании сердца, плаче же и молитве, яко да имама от Бога прощение.

**Слава:** Отринем вернии высокохвальную гордыню, возношение же лютое, и дмение мерзкое, и злейшее фарисеево Богу нелепое свирепство.

**Богородичен: В** Тебе едином прибежищи надеявся, да не отпаду добраго чаяния: но да улучу Твою помощь Чистая, всякаго вреда лютых избавляемый.

### Седалны, глас 4.

#### Подобен: Скоро предвари:

**С**мирение вознесе одержимаго злыми, / мытаря возстенавша, / и еже очисти, к Зиждителю воззваша: / возношение же низложи от правды / окаяннаго фарисеа велеречующа. / Темже поревнуим добрым, злых отступающе.

**Слава:** Смирение древле вознесе мытаря, / плачем возопивша: / очисти, и оправдися. / Того подражаем вси, / во глубину зол впадшии, возопиим Спасу / из глубины сердца: / согрешихом, очисти едине Человеколюбче.

**И ныне, Богородичен:** Скоро приими Владычице, моления наша, / и сия принеси Твоему Сыну и Богу, / Госпоже Всенепорочная: / разреши обстояния к Тебе притекающих, / сокруши козни, и низложи дерзость вооружающихся / безбожно на рабы Твоя, Пречистая.

### Песнь 4.

**Ирмос:** Христос моя Сила, / Бог и Господь, / честная Церковь / боголепно поет зывающи, / от смысла чиста / о Господе празднующи.

**И**зрядный показа путь возношения, смирение, Слово смирившееся даже и до зрака рабья: Егоже подражая всякий, возношается смиряся.

**В**ознесеса праведник, и низпаде фарисей: во множестве же зол отягчаемый смиряся, но вознесеса мытарь, ненадежно оправдаемый.

**Н**ищеты ходатай, от богатства добродетелей, безумие явися: и богатство абие смирение оправдания от крайня нищеты, юже стяжим.

**Предрек**л еси Владыко, велемудрствующим противостати всячески, и смиренным благодать Твою подая Спасе, смирившимся ныне нам Твою благодать низпосли.

**Слава:** **К** Божественному возношению присно возводя нас Спас и Владыка, высокотворное показа смирение: ноги бо учеником Своима рукама обмы.

**Богородичен:** **Я**ко Свет неприступный Дево рождая, души моя тьму светительною зарею разжени, и к стезям спасения житие мое руководствуй.

### **Песнь 5.**

**Ирмос:** **Б**ожим светом Твоим, Блаже, / утреннюющих Ти души / любовь озари, молюся, / Тя ведети, Слове Божий, / Истиннаго Бога, / от мрака греховнаго взывающа.

**Ф**арисеевы добродетели потщимся подражати, и поревновати мытареву смирению, во обою ненавидяще безместное мнение, и пагубу падений.

**П**равды течение тщетное обличися, сопряг в нем фарисей мнение: абие же мытарь высокотворною добродетелию стяжа спутника, смирение.

**К**олесничник в добродетелех, мняшеся тещи фарисей: но пеший, паче лидийския колесницы текий, мытарь добре предвари, припряг щедроте смирение.

**М**ытареву притчу вси уразумевше умом, приидите поревнуим слезам, дух сокрушенный Богу приносяще, грехов ищуще оставления.

**Слава:** **В**озносливый и злобный, горделивый же и дерзый далече отринем разумнии фарисеев нрав, лютый велехвальный, яко да не обнажимся Божественныя благодати.

**Богородичен:** **Ж**езл силы Благая, всем низпосли нам к Тебе прибегающим, обладати посреде всех враг подаючи, и всякаго вреда изымаючи.

### **Песнь 6.**

**Ирмос:** **Ж**итейское море, воздвигаемое зря / напастей бурею, / к тихому пристанищу Твоему притек, вопию Ти: / возведи от тли живот мой, / Многомилостиве.

**Ж**ития поприще мытарь вкупе и фарисей течаства: но ов убо высокоумием содержимь, срамне утону, ов же смирением спасеся.

**Ж**ития бедное преминующе мы течение, подражаим мытареву убо мудрование ревнительно: бежим же кичения мерзкаго фарисеа, и живи будем.

**Н**равом поревнуим Спаса Иисуса, и Его смирению, желающе непрестанное радости селение получитьи, во стране живущих водворяющесея.

**П**оказал еси Владыко, Твоим учеником высокотворное смирение, лентием препоясан по чреслом, нозе умыл еси, и сему образу подражати повелел еси.

**Слава:** Житие проидоста фарисей добродетельми, и мытарь прегрешеньми. но ов убо от гордости умовредныя, отступи смирения: ов же возношается, смиренномудр явлься.

**Богородичен:** Нага простотою, нехитростною же жизнью создана, преступления лестию одея мя враг, и плоти дебелством: ныне же Твоим ходатайством Отроковице, спасаюся.

#### **Кондак, глас 4.**

**Подобен: Явился еси днесь:**

Фарисеева убежим высокоглаголаня, / и мытареве научимся высоте глагол смиренных, / покаянием взывающе: / Спасе мира, / очисти рабы Твоя.

#### **Вторый кондак, глас 3.**

**Подобен: Дева днесь:**

Воздыхания принесем мытарская Господеви, / и к Нему приступим грешнии яко Владыце: / хочет бо спасения всех человеков, / оставление подают всем кающимся. / Нас бо ради воплотися, Бог сый Отцу собезначальный.

**Икос:** Сами себе братие вси смирим въздыханьми, рыданьми побием совесть: да в суде тогда вечном тамо явимся вернии, неповинни, получивше оставление. Тамо бо есть воистинну ослабление, еже видети там ныне умолим: тамо болезнь отбеже, печаль и из глубины въздыханя, во Едеме дивнем, егоже Христос Зиждитель, Бог сый Отцу собезначальный.

#### **Предисловие вкратце синаксарей, рекше, собраний Ксанфопулана триодных синаксари.**

**На мытаря и фарисеа:**

**В** настоящий же день, с Богом и Триодь начинаем: юже убо мнози от святых и богоносных красотоделей наших отец, добре и яко достояще, от Святаго движими Духа, сложивше песносоделаша. Первый же всех сие умысли, три глаголю песни, во образ мню Святыя и Живоначальныя Троицы, великий творец Косма, в Великой и святой страстей Господа и Бога и Спаса нашего Иисуса Христа седмице, по именованию вкратце, коегождо дне краегранесьми умыслив песни. От негоже и прочии от отец, паче же иных, Феодор и Иосиф Студите, по ревности онаго, и прочим неделям [седмицам] святыя и великия Четырдесятницы счинивше, тех обители Студийстей первее предаша. Наипаче песни учинивше, и уставивше, и другая книзе, отонудуже и когда, от отец собравше и снискавше. И понеже убо первый дней Неделя заключает яко воскресна, первая сущи, и осмая, и конечная, изрядно соделающе второму дню, рекше, понедельнику, первую уставивша песнь. Абие же третьему дню, рекше, вторнику, песнь вторую. Четвертому, рекше, среде третью. Пятому четвертую, еже есть, четвертку. И шестому дню, рекше, пятку, пятую песнь. Шестую же субботе, яве убо и седмую, и прочия две, осмую и девятую, яже общно вси дни яко истиннейша имут. Якоже убо божественный Косма, в Велицей Субботе положи четверопеснец, тамо сотворив: аще и

послежде премудрейший царь Лев, повелев в совершение канон епископом Идрунским, монаха Марка, содела. Потребовательне же, Триодь именуется, ни бо присно трипеснец имать: ибо всесовершенна правила предлагает. Но мною от множайшаго именоване прияти: или еже великия ради седмицы, якоже речено бысть прежде бывша. Мысль убо святым нашим отцем, книгою Триодию всею, вкратце все елико о нас Божия благодеяния изначала воспомянути, и на воспоминание всем изложити: како от Него создани быхом, и от пищи райския изгнахомся, и данную нам ко обучению заповедь отвергше, и отвержени быхом завистию перевозлюбника змия и врага, низложеннаго за гордость. И како пребывахом отвержени от благих, и от диавола водими. Како же Сын и Слово Божие милосердием Своим пострадав, преклонив небеса сниде, и в Деву вселися, и нас ради бысть Человек, и по Нему жительством на небеса восхождение показа, рекше, смирением предводительно и постом и отвержением злых, и прочими Его деянии. Како же пострада и воскрес, и на небеса взыде паки, и Духа Святаго низпосла святым Своим учеником, и апостолом, и како Сын Божий, и Бог совершенный, от сих всех проповедася. Что же паки божественнии апостоли, благодатию Пресвятаго Духа содействоваша, яко от конец святых всех вкупе собраша проповедию, наполняяще вышний мир: еже и мысль бяше изначала Создавшему. Но в сих убо Триоди мысль, настояция три праздники, мытаря и фарисея, и блуднаго, и втораго пришествия, якоже некое предобучение и поущение святыми отцы умыслися. Якоже предустроитися, и готовым нам быти к духовным подвигом постов, от обычая скверное навыковение оставльшим. И первее убо всех мытареву и фарисееву нам притчу предлагают, и предвозгласною седмицею именуют. Якоже бо к телесным бранем отходити хотящии, от воевод брани время преднавыкают, яко да оружия очистивше и угладивше, и другая вся добре устроивше, и всяко претыкание от среды сотворше, к подвигом усердно воспрятаются, и еже к потребе снабдят. Многажды же и прежде сражения, и словеса, и повести, и притчи себе приносят, и на ревность изощряюще оных души: леность же, и боязнь, и уныние, и другое аще что бедно, отгоняще. Тако и божественнии отцы предтрубят пощения последующее на демоны ополчение, яко бы душам нашим некую предвзятую страсть, и яд долгим соделанный временем очистить: еще же и еже не имуще от благих, потщавшеся стяжим, и яко подобно вооружившеся, тако готови к поста подвигом да пойдём. Понеже убо первое оружие к добродетели покаяние, и смирение: и паки преткновение к величайшему смирению, гордость и вышение: настоящую от Божественнаго Евангелиа достоверную притчу первую всех излагают. Фарисеем убо гордости и дмения отложить нам страсть поущающе: мытарем же паки сопротивное страсти сея, смирение и покаяние противу сотворити. Понеже бо первая и горшая страсть гордыня и дмение яко теми с небесе падение диаволу бысть еже прежде убо Деннице, сих же ради тьме бывшу, и глаголему. Но и родоначальнику Адаму сих ради от пищи изгнание. Поущают сими, образом неким святии о своих исправлениях никомуже выситися, и на ближняго востаяти, но присно смиренну быти: Господь бо гордым сопротивляется, смиренным же дает благодать: лучше бо есть согрешающему обратиться,

нежели исправляющемуся выситися. Глаголю бо, рече, вам: яко сниде мытарь оправдан паче, нежели фарисей. Объявляет убо притча, ниединому же выситися, аще и благая деяй есть: но присно смириятися, и молитися от души Богу, аще и в последняя злая впадет, яко не далече спасения есть. Мытарь убо есть, иже дани от князей емляй, и за крайнюю неправду купуй и приобретаей отсюда. Фарисей же якоже отсечен кто негли, и прочих преимей разумом. Саддукей же от Саддоика некоего, еже есть праведен: седек бо правда. Три же бяху у еврей ереси: ессеи, фарисеи и саддукеи, иже ниже воскресению, ниже ангелу, ниже духу быти приемляху. Святых всех песноделателей Твоих молитвами, Христе Боже наш, помилуй нас, аминь.

### **Песнь 7.**

**Ирмос:** Росодательну убо пещь содела ангел / преподобным отроком, / халдеи же опаляющее веление Божие, / мучителя увеща вопити: / благословен еси, Боже отец наших.

**О**правдания дела возвышаемый, сетми тщеславия люте превознесся фарисей, безмерно хваляся: мытарь же легким крилом смирения вознесся, Богу приблизися.

**С**мирения аки лествицею употребився образом мытарь, к небесней высоте возвысися: гордынею же гнилою и безумием окаянный вознесся фарисей, сниде до ада преисподняго.

**П**раведных ловя убо лукавый, образми тщеславия крадет: грешных же сетми отчаяния связует. Но убо от обоих зол мытаря ревнителие, избавитися потщимся.

**М**олитвою Богу нашему припадем, слезами и теплыми воздыхании, подражающе мытареву высокотворное смирение, поюще вернии: благословен еси Боже отец наших.

**Слава:** Наказуяй ученики предглагола еси Владыко, не мудрствовати высокая, соводитися же смиренным уча Спасе. Темже зовем Тебе вернии: благословен еси Боже отец наших.

**И ныне, Богородичен:** Иаковлю Тя доброту, и Божественную лествицу, от долу юже виде первее, простертую к высоте, вемы Чистая, низводящую свыше Бога воплощенна, и земныя паки возводящую.

### **Песнь 8.**

**Ирмос:** Из пламене преподобным росу источил еси, / и праведнаго жертву водою попалил еси: / вся бо твориши, Христе, токмо еже хотети. / Тя превозносим во вся веки.

**С**миреномудренным нравом милостива Господа мытарь воздохнув обрете, и спасен бысть: образом же лютым языка велеречиваго, правды отпаде фарисей.

**Ф**арисеева кичения произволения, и именованя чистоты, бежим вернии: ревнующе мытареву добре помилованному смирению и нраву.

**Г**ласы мытаревы вернии вещаем в церкви святей: Боже очисти, да с ним улучим прощение, пагубы велехвальнаго избавльшеся фарисеа.

**В**оздыханию мытареву вси поревнуим, и Богу беседующе, теплыми слезами возопиим Ему: Человеколюбче, согрешихом, благоутробне Щедрый, очисти и спаси.

**Благословим Отца, и Сына, и Святаго Духа, Господа.**

**С**тенанием мытаревым Бог преклонися, оправдив же сего, всем показа преклонятися присно, воздыханьми же и слезами, прегрешений просяще разрешение.

**И ныне, Богородичен:** Не вем паче Тебе иного заступления, Тя предлагаю молитвенницу, Чистая Всенепорочная. Тя ко из Тебе рожденному ходатаицу движу: всех оскорбляющих мя свободна покажи.

### **Песнь 9.**

**Ирмос:** Бога человеком невозможно видети, / на Негоже не смеют чини ангельстии взирати: / Тобою же Всечистая, явися человеком / Слово воплощено, / Егоже величающе, / с небесными вои Тя ублажаем.

**П**уть возношения смирение, от Христа взявше спасения образ, мытареву обычаю поревнуим, кичение возношения далече отметающе, нравом же смиренномудрия Бога умоляюще.

**Д**ушевную гордыню отвержим, нрав правый смиренномудрия стяжим, себе оправдати не тщимся, тщеславия кичение возненавидим, и с мытарем Бога умолим.

**М**олитвы Содетелю милости принесем мытарския, фарисейских отвращающиеся неблагодарных молитв, и велехвальных гласов, иже на ближняго суд возводят, да Бога милостива и свет привлечем.

**М**ногим прегрешений собранием отягчен, избытием злобы мытаря преидох, и фарисеево велехвальное кичение притяжах, отвсяду пуст всех быв благих: Господи, пощади мя.

**Т**воего сподоби блаженства, Тебе ради духом нищих сущих: учением бо Твоего повеления, дух сокрушенный Тебе приносим, Спасе прием, спаси Тебе служащая.

**Слава:** Богу мытарь некогда помоливыйся, в церковь верне вшед, оправдася: воздыханьми бо и слезами пришед, сокрушением же сердца: все отложи грехов бремя очищенными.

**И ныне, Богородичен:** Пети, славити, и блажити Тя давай нам, достойно чтущим Тя Пречистая, и Рождество Твое величающим, едина благословенная: Ты бо еси похвала христианом, и к Богу молитвенница благоприятная.

## **Ексапостиларий воскресный. Таже Триоди.**

### **Подобен: Со ученики въздем:**

**Слава:** Высокочечия убежим фарисеева злейшаго, смиренню же навикнем мытареву изряднейшему, да вознесемъ вопиюще к Богу со онем: очисти рабы Твоя, родивыйся от Девы Христе Спасе волею, и Крест претерпевый, совоздвигнувый мир Твоим Божественным могутством.

**И ныне, Богородичен, подобен:** Творец создания, и Бог всех, плоть человеческую прият из непорочныя утробы Твоея, Всепетая Богородице: и тленное мое естество все обнови, паки якоже прежде рождества оставль по рождестве. Отонудуже Тя верою вси восхваляюще зовем: радуйся миру славо.

### **На хвалитех стихиры воскресны Осмогласника, 4.**

**И Триоди самогласны 4: Не помолимся фарисейски братие: Фарисей тщеславием: Писаны на Вечерни.**

**Стих:** Воскреси Господи Боже мой, да вознесется рука Твоя, не забуди убогих Твоих до конца.

**Глас 3:** Мытаря и фарисеа различие разумевши душе моя, / онаго убо возненавидь гордынный глас: / оваго же ревнуй благоумиленной молитве, / и возопий: Боже, / очисти мя грешнаго, и помилуй мя.

**Стих:** Исповеся Тебе Господи, всем сердцем моим, повем вся чудеса Твоя.

**Фарисеа** велехвальный глас, / вернии возненавидевше, / мытаревой же благоумиленной молитве поревновавше, / не высокая мудрствуем, / но себе смиряюще со умилением воззовем: / Боже, очисти грехи наша.

### **Слава, глас 8:**

**От** дел похваленми, фарисеа оправдающа себе осудил еси Господи, и мытаря смирившася, и въздыханьми очищения просяща оправдал еси: не внимаеши бо велемудренным помыслом, и сокрушенная сердца не уничижаеши. Темже и мы Тебе припадаем во смиреннии, пострадавшему нас ради: подаждь оставление и велию милость.

### **И ныне:**

**Преблагословенна еси Богородице Дево:**

**Славословие великое и отпуст. И обычно литиа в притворе, в нейже поем:**

**Слава, и ныне: стихиру утреннюю евангельскую. И час первый.**

Подобает ведати, яко стихиры вся 11 утренния евангельския, от сея настоящия Недели, и даже до Всех святых, на литиах утренних поются в притворе, на Слава, и ныне. Вестно же буди, яко от сея Недели начинаем чести в притворе, по отпусте литии, оглашения святаго отца нашего Феодора Студита. И аще тамо есть игумен, чтутся от него: аще же ни, то от еkkлисиарха, стоящим, и со вниманием послушающим братиям. По скончании же чтения

глаголем тропарь преподобному Феодору, глас 8: Православия наставниче: без  
Богородична. И совершенный отпуст.

## НА ЛИТУРГИИ

### Блаженны Осмогласника: и от канона песнь 6.

1. **Ж**ития поприще мытарь вкупе и фарисей течаства: но ов убо високоумием содержимь, срамне утону, ов же смирением спасеся.
2. **Ж**ития бедное преминующе мы течение, подражаим мытареву убо мудрование ревнительно: бежим же кичения мерзкаго фарисеа, и живи будем.
3. **Н**равом поревнуим Спаса Иисуса, и Его смирению, желающе непрестанное радости селение получитьи, во стране живущих водворяющесея.
4. **П**оказал еси Владыко, Твоим учеником высокотворное смирение, лентием препоясан по чреслом, нозе умыл еси, и сему образу подражати повелел еси.

### Прокимен прилучившагося гласа.

#### Апостол к Тимофею, зачало 296. [2 Тим. 3, 10 – 15.],

**Ч**адо **Т**имофее: **Т**ы же послѣдовалъ еси моему оученію, житію, привѣтѣ, вѣрѣ, долготерпѣнію, любви, терпѣнію, изгнаніемъ, страданіемъ, ѡквѣ мнѣ быша во антїохїи, (и) во іконїи, (и) въ лустрабѣхъ: ѡквѣ изгнанїа прїахъ, и ѡ всѣхъ мѣхъ избавилъ естъ гдѣ. **И** вси же хотѣщи благоу жити ѡ хрїстѣ іисѣ, гонїми вѣдѣтъ: лѣкавїи же челоуѣцы и чародѣе предпѣютъ на горше, прельцающе и прельцаеми. **Т**ы же пребывай въ нихже нааченъ еси и ѡже вѣрѣна сѣтъ тебѣ, вѣдый, ѡ когѣ наачїа еси: и ѡкв измаѣда сѣннаа писанїа оумѣеши, могущаа тѣ оумдрїти во спїе вѣроу, ѡже ѡ хрїстѣ іисѣ.

#### Евангелие от Луки, зачало 89. [Лк. 18, 10 – 14.]

**Р**ече **Г**осподь притчѣ сїю: челоуѣка двѣ видѣста въ цѣрковь помолїтїса: єдинъ фарїсей, а другїй мытарь. **Ф**арїсей же стѣвъ, сїце въ себѣ молїшеса: бже, хвалѣ тебѣ воздаю, ѡкв нѣсмь ѡкоже прочїи челоуѣцы, хїщницы, неправедницы, прелюбодѣе, или ѡкоже сїи

мытарь: пощѣса двакрѣты въ свѣвѣтѣ, десѣтинѣ даю̀ всегѡ̀ ѣлико̀  
притѣжѣ. Мытарь же ѣздамѣча сто̀, не хотѣше ни ѡчию̀ возвестѣ на  
небо: но вѣѣше пѣрси своѣ, глаго̀ла: вѣе, мѣтивѣ вѣди мнѣ  
грѣшникѣ. Глѣю̀ вамѣ, ѣко̀ снѣде сѣй ѡправданѣ въ домѣ своѣ пѣче  
ѡнагѡ̀: ѣко̀ всѣкъ возносѣйсѣ смири́тсѣ, смирѣ́ѣ же себѣ вознесѣтсѣ.

**Причастен: Хвалите Господа с Небес:**

Подобает ведати, яко в сей седмице иномудрствующиe содержат пост,  
глаголемый арцивурьев. Мы же, [монаси] на кийждо день [се же, и в среду и  
пяток:] вкушаем сыр и яйца, [в 9 час.] Миряне же ядят мясо, развращающе онех  
веление толикаия ереси.

Аще случится праздник Сретения Господня в субботу мясопустную,  
служба умерших поется в гробнице вся, вечер и утро: аще ли несть гробницы,  
то поется в сию субботу пред Неделю о блуднем: а тамо в субботу  
мясопустную, точию празднику единому поется.